

Izjava OHR-a na konferenciji za medije međunarodnih organizacija

Prvi zamjenik visokog predstavnika u posjeti Uredu za reviziju finansijskog poslovanja institucija BiH

Prvi zamjenik visokog predstavnika Donald Hays će posjetiti danas Ured za reviziju finansijskog poslovanja institucija BiH, gdje će se sastati sa vršiocem dužnosti generalnog revizora gospodinom Samirom Mušovićem, zamjenikom revizora Draganom Kulinom, te osobljem ovog Ureda. Prisutni će ambasadora Haysa informirati o djelatnostima Ureda, te izazovima s kojima se suočavaju.

Ambasador Hays će izraziti punu podršku OHRa radu Ureda za reviziju, koji predstavlja čuvara transparentnosti, učinkovitosti i najsvrsishodnije upotrebe finansijskih sredstava koja pripadaju narodu BiH, kao što su to i revizorski uredi u drugim branšama vlade i velikim javnim preduzećima. Revizori jednostavno rade svoj posao kada otkriju i dokumentuju slučajeve zloupotrebe i prevare.

Ambasador Hays i gospodin Mušović će se obratiti novinarima nakon završetka ove posjete, u 13.45 sati u Uredu za reviziju finansijskog poslovanja institucija BiH, zgrada Predsjedništva.

Unutarnji dug

OHR će okupiti vodstvo Vlade FBiH i predstavnike Parlamenta FBiH, zajedno sa međunarodnim finansijskim agencijama kao što su Svjetska banka i Međunarodni monetarni fond. Sastanak će se održati sutra, 16. juna 2004. godine u prostorijama OHR-a.

Cilj ovog sastanka je da se isplanira put naprijed za zakone

koje je Vlada Federacije poslala u parlamentarnu proceduru 19. maja ove godine. Ovaj paket zakona će omogućiti provedbu plana koji je dogovoren između bh. organa vlasti i međunarodne zajednice za rješavanje pitanja novca koji bh. vlasti duguju građanima BiH.

Osobe koje trebaju primiti potpunu ili djelomičnu isplatu po ovom planu su:

- radnici kojima se duguje novac u obliku neisplaćenih plata
- penzioneri kojima se duguje novac u obliku neisplaćenih penzija
- osobe koje su podnijele vlastima zahtjev za kompenzaciju koja proističe od štete prouzrokovane ratnim dešavanjima
- građani čiji su depoziti u stranoj valuti bili zamrznuti na početku rata

Nakon završetka sastanka, entitetski premijer i prvi zamjenik visokog predstavnika Donald Hays, održat će se konferencija za medije u 17.45 sati. Pozivamo predstavnike medija da poprate ovu konferenciju.

OHR-ov ekonomski izvještaj

Donio sam ekonomski izvještaj koji je pripremio OHR u kojem su okupljeni svi ključni ekonomski indikatori, a koje su zasebno objavili Centralna banka, entitetski statistički zavodi i berze. U izvještaju je objavljen pregled ekonomije u BiH, te su naglašene trenutne njene jake strane, kao i njene slabosti.